

## **Kekal sembilan kes aktif Covid-19 di Selangor, Sepang tertinggi**

**SelangorKini.my**

**05 Julai 2020**

**by Afix Redzuan**

SHAH ALAM, 5 JULAI: Jumlah zon aktif Covid-19 di Selangor kekal seperti semalam dengan sembilan kes dicatatkan hari ini.

Pasukan Petugas Covid-19 Selangor (STFC) memaklumkan daerah Sepang masih merekodkan kes tertinggi iaitu empat diikuti Petaling (dua) manakala satu kes masing-masing di Gombak, Klang dan Hulu Selangor.

“Kes aktif di Selangor juga masih di bawah paras dua digit,” katanya menerusi Twitter.

Sehingga jam 12 tengah hari tadi, 51 mukim berada di zon hijau, lima zon kuning dan sifar merah.

Semua dua kes baharu dicatatkan di Selangor hari ini membabitkan jangkitan dari luar negara.

Perkembangan itu menjadikan jumlah kes kumulatif di negeri ini adalah 2,060 dan 150 kes keseluruhan jangkitan luar negara.

**© Copyright 2019 - Developed for the People of Selangor**

Source: <https://selangorkini.my/2020/07/kekal-sembilan-kes-aktif-covid-19-di-selangor-sepang-tertinggi/>